



UNIVERSITÄTS-  
BIBLIOTHEK  
PADERBORN

**Auctarium. Sive Additiones Ad Viri Clarissimi Henr. Zoesii  
J.V.D. Universum Jus Canonicum**

**Geismar, Justus Moritz von  
Coloniæ Agrippinæ, 1691**

Ad tit. XVII. de sequest. possess. & fruct.

---

[urn:nbn:de:hbz:466:1-62259](#)

## TIT. XVI.

*Ut līte pendente nihil innovetur.*

**A**DNU. 1. Hunc totum numerum expunge, & pone sic: Lis autem pendere dicitur, quām primum reus ab auctore expressā tamen causā propter quam vocatur, citatus est. Clement. 2. h.t. Ut ita ad litis pendentiam contestatio litis non requiratur, d. Clem. 2. Et hic notandum, quod aliud sit item pendere, & aliud rem esse litigiosam, quia res litigiosa est, quando inter possessorem & peritorem de alicujus rei dominio controversia movetur in iudicio. L. 1. cum Autb. litigiosa C. de litiis. Et hinc est quod inquit Gloss. in cap. 1. inf. de confirm. util. vel ini. Si fiat controversia super possessione, rem per id non dici factam esse litigiosam. Ideoque secundum Panormitanum in c. 2. n. 4. inf. Qui filii sint legit. Si maritus sit ab uxore sua accusatus adulterii, & uxor agat ad thori separationem, pendente lite possessione maritali non est privandus, neque ab uxore separandus, quia litis pendentia non suspendit exercitium matrimonii. Sic etiam si duo litigent super beneficio Ecclesiastico, & unus illorum decedat ante finitam litem cum superstite, beneficium alteri conferri non potest, & si id fieret, ipso jure nullum est & irritum.

## TITUL. XVII.

*De sequestrat. possessionum.  
& fruct.*

**A**D finem num. 1. adde: Sequestro

vicinum est depositum, quod tamen in aliquibus differt, primò enim possunt & plures, & unus rem deponere, apud sequestrum autem non nisi sint plures. L. 17 ff. deposit. Secundū, res qualibet potest deponi, etiam illa quæ non est controversa, sequestrari autem res nulla potest, nisi controversa. Tertiū, plures rem deponentes deponunt pro rata, sequestrantes vero deponunt in solidum. Ita D. Schambogen ad Tit. Inst. qnib. mod. retr. oblig. §. 1. circa fin.

*Ad n. 2. in fin. adde:* Habere autem potest locum sequestratio, tam in controyeris rerum profanarum, quæ etiam spiritualium seu beneficiorum Ecclesiasticorum, unde juxta Clement. un. h.t. Si in petitorio vel possessorio sit lata & promulgata sententia definitiva in curia Romana super beneficio contra possessorem, qui triennio non possedit, tunc jubetur ordinario, quod debeat beneficium & fructus sequestrare. Ubi adhuc observandum, quod si res mobilis, quæ servando servari non potest, timeatur deterior futura, tunc lite pendente implorari debet iudicis officium, & res vendi, ac deinde ipsum premium loco rei sequestrari. Gail 1. obs. 148. n. 3. ubi num. 4. pulchre addit, quod illas res propriè dicantur servando servari non posse, quæ ultra triennium in naturali sua bonitate non possunt conservari.

Ubi quæres, an detur medium aliquod evitandi sequestrationem. Resp. Si de rebus conservandis idonea præstetur cautio, sequestrat' onem evitari posse, an autem cautio juratoria sufficiat, 1. dic, si sit offerens bona vita & fama, posse, alias si suspectus sit, quod non. Gail. d. loc. Ad

*Ad num. 3. in fin. addit.* Effectus sequestrationis est, quod sequester finito tempore teneatur actione sequestraria, ut rem sequestratam una cum fratribus tempore sequestrationis perceperit, quos victori eum servare oportet, exhibeat & restituat. *L. et apud quem §. 1. ff. deposit.*

## AD TIT. XVIII.

*De Confessis.*

**I**N principio tituli post verba illa: *relevetur ab onere probandi*: adde; legitima probat. o sit quatuor modis, vel enim sit per testes, vel per instrumenta, vel per juramenti prestationem, vel per adversarii confessionem. Hanc fallimam esse constat, & ad litium expeditionem promptissimam esse assert *Vallens. b. t. n. 1.*

*Ad nn. 7. in fin. addit.*: Cum inter praticos sèpè fiat mentio juramenti Dandorum & Respondendorum, quia illa sunt juramenta. Resp. Ex Vallensi b. t. n. 2. quod per usum diuturnum sit introductum, quod post item contestatam antequam aliæ probationes suscipiantur loco interrogationum, quæ olim de jure Digestorum fieri solebant, de quibus in Tit. ff. de interrogat. in jur. faciend. v. g. an adversarius possideret pro hærede, an ex testamento, an ab incestato, an in totum, an pro parte, tam actor ex porrecto à se libello, quam reus ex sua exceptione ediceret alias positiones, casque suo adversario in judicio proponeret, ubi tamen proponens prius debet præstare juramentum calumnia, & hoc vocatur

juramentum Dandorum, cui jam propounduntur illæ positiones, ut defuper respondeat, debet & ille antequam respondere velit, prius præstare juramentum calumnia, quod vocant Prædicij juramentum Respondendo rum. Clement. sapè §. quia positiones de V. S. iunct. ca. dndum sup. de elect. c. nn. sup. de litis contest. & cap. 2. de confess. *Vallens. d. n. 2.* Idque sit plerumque, per verbum Credit vel non credit, quia responsio per verbū dubitat, vel dubito non admittitur, nisi forte positio consistat in facto alieno, ad causam tamen controversam faciente, quia alijs negari possit responsio, si enim impertinens esset, interrogatus respondere non tenebitur. *L. fin. in fin. ff. pro suo.* Ubi ex Gail. lib. 1. obs 80. n. 2. notandum, quod post item contestatam, si quis positib. adversarii respondere iussus, id facere contumaciter recusat, quod habeatur confessus omnia ista, quæ in positionibus continentur, vel etiam negasse, in quantum ipsi durius est; si vero justam causam habeat, responsio nem suam legitimè recusare potest, sic si esset positio incerta vel dubia, vel si sit ex omniparte impertinens, ut si nullo modo tangat causam principalem in libello expressam, vel si sit captiosa & cavillosa, ut inquit *Vall. h. t. n. 4.*

## AD TIT. XIX.

*De Probationibus.*

**A**D num. 6. in fin. addit.: Dices, regulam esse, quod per rerum naturam factum negatis non egat probationem, quia dici solet, quod negationis nullæ sunt